

- Na osnovu člana 90. Zakona o javnim nabavkama („Službeni glasnik BiH”, broj 39/14), člana 7. Pravilnika o postupku direktnog sporazuma („Službeni glasnik BiH”, broj: 90/14) te na osnovu Odluke o prihvatanju ponude na osnovu direktnog sporazuma, broj: 11/07-11-29258-2/20 od 14.08.2020. godine kojom se prihvata ponuda ponudača HOMEWORK d.o.o. Sarajevo, zaključuje se:

UGOVOR O PRUŽANJU USLUGA

Zaključen dana, 18.08.2020. godine u Sarajevu između:

1. Ministarstvo za obrazovanje, nauku i mlade Kantona Sarajevo, ul. Reisa Džemaludina Čauševića br. 1, ID broj: 4200666870003 koga zastupa i predstavlja ministar mr. Anis Krivić (u daljem tekstu: Naručilac usluga)

i

2. HOMEWORK d.o.o. Sarajevo, ulica Kolodvorska 12, ID 42002661980008 kojeg zastupa direktor Mirza Rastoder (u daljem tekstu: Pružalac usluga).

I - PREDMET UGOVORA

Član 1.

Predmet ugovora je pružanje usluge uspostavljanja Gender Istraživačkog centra u Kantonu Sarajevo, u svemu prema prihvaćenoj ponudi Pružaoca usluga br. 15/20 od 07.08.2020. godine, koja čini sastavni dio ovog Ugovora.

II - CIJENA

Član 2.

Ukupna vrijednost ugovorenih usluga iz člana I. ovog Ugovora iznosi 6.961,50 KM sa PDV-om (slovima: šestiljadadevetstotinašezdesetjedan i 50/100 KM), koja je navedena u prihvaćenoj ponudi.

III - NAČIN PLAĆANJA

Član 3.

Naručilac će plaćanje ugovorenih obaveza Pružaocu usluga izvršiti u roku od 30 (trideset) dana po dostavljenom računu na osnovu zapisnika o primopredaji.

Naknadu za izvršene usluge, Naručilac je dužan uplatiti na transakcijski račun Pružaoca usluga broj 1413065320195824 otvoren kod BBI banke. Pružalac usluga je saglasan da Naručiocu neće zaračunavati zatezne kamate za zakašnjenje pri plaćanju preko „Trezora”, ako je Naručilac u ugovorenom roku predao nalog za plaćanje, a Pružalac usluga primio uplatu s odgodom od jednog ili više dana od ugovorenog roka iz stava I. ovog člana,

IV - MJESTO PRUŽANJA USLUGA

Član 4.

Mjesto pružanja usluga je na lokaciji Pružaoca usluga.

V - OBAVEZE PRUŽAOCA USLUGA

Član 5.

Pružalac usluga obavezuje se da će u skladu sa ponudom iz Člana 1. ovoga Ugovora izvršiti:

Aktivnost 1: Pripremne aktivnosti

1.1. Formiranje projektnog tima.

Aktivnost 2: Uspostavljanje konsultacijskog programa za pisanje završnog rada studenata/tica drugog ili trećeg cilusa visokog obrazovanje u vezi sa rodnim studijama

2.1. Podprogram stipendisanja studenata/tica za pisanje radova koje bi sadržavale rodne segmente u istraživačkim radovima

2.2. Konsultacijski program za pisanje završnog rada studenata/tica drugog ili trećeg ciklusa visokog obrazovanja sa temim u koju se uključuju rodne studije

2.3. Organizovanje radionoca o prikupljanju i pravilnom pristupu obradi baze podataka

2.4. Razvijanje rada na osnovu baze podataka (baze podataka se prikupljaju i obrađuju na osnovu rodnosti)

Aktivnost 3: Menadžment i upravljanje Projektom

3.1. Potrebno je imenovati projektni tim za implementaciju i kontrolisanje projektnih aktivnosti.

Aktivnost 4: Izveštavanje

4.1. Izrada Izveštaja o provedenim aktivnostima

Pružalac usluga se obavezuje da je rok izvršenja usluga iz člana 1. Ovog Ugovora 5 (pet) mjeseci od dana obostranog potpisivanja Ugovora.

VI - OBAVEZE NARUČIOCA USLUGA

Član 6.

Naručilac usluga se obavezuje da ukupnu vrijednost ugovorenih usluga iz Člana 2. ovog ugovora, isplati na način i u roku predviđen u članu 3. ovog Ugovora.

VII- PRELAZNE I ZAVRŠNE ODREDBE

Član 7.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim ugovorom, a proisteknu iz njegove realizacije, primjenjivat će se odgovarajuće odredbe Zakona o obligacionim odnosima.

Član 8.

Ovaj ugovor je sačinjen u 4 (četiri) istovjetna primjeraka od kojih Naručilac usluga zadržava 2 (dva), a Pružalac usluga 2 (dva) primjerka.

Član 9.

Ovaj Ugovor stupa na snagu danom potpisivanja ugovornih strana.

PRUŽALAC USLUGE

DIREKTOR



Mirza Rastoder



NARUČILAC USLUGA

MINISTAR


Mr. Anis Krivić



Broj:

Datum: 24/8/2020

Broj: 11/07-11-29258-3/20

Datum: 18.08.2020.